



重刊四十二章經遺教經證道歌決疑集序

竊聞

能仁應跡於竺乾。教法流行於茲土。賢士示

生於震旦。歌章分布於殊邦。莫不言言而

防非止惡。句句而入聖超凡。發明威音劫

外之真心。顯現自己衣中之至寶者歟。昔

後漢永平七年中。孝明帝夜夢金像來詣

殿庭。乃知佛教將被東夏。遣王遵等一十

八人。使往西域求法。五月氏國遇摩騰竺

法蘭二梵僧。以白馬馱貝葉梵文。屆止洛



都譯梵成華詔曰四十二章經盛行流布  
當時與道書試其真偽火而不灰者即斯  
經也遺教一經乃如來大師將入涅槃時  
為諸比丘畧說法要其言之至明其理之  
至當其示之至直其趨之至徑要乎大哉  
聖人之言如日月之照臨無昏衢而不燭  
如天地之蓋載無含生而不包如慈雲之  
密布無寸地而不覆如法雨之洪澍無莖  
木而不沾嗚呼設以須弥而為筆滄海而  
為墨一舌化千百億舌以讚以揚未可仿

佛萬分之一耳梁之大通間吾之鼻祖佩  
如來別傳大三昧東邁止於少林直指人  
心見性成佛自可師斷臂得髓而來其中  
悟入聖位者如沙數若唐之永嘉大師元  
之斷雲徹公者深得其別傳之旨故作證  
道歌決疑集與學禪者為入道之蹊徑俾  
其從此而生正信孳孳進工一起直入如  
來之地斷然無疑矣正信戒弟子德經等  
善因曩昔受果今生逢此真乘深生渴仰  
繇是謹捐已物洎勸眾資梓行於世上祝

皇圖永固。

佛日長明。或緇或素。若見若聞。讀誦受持。咸登覺地。德經用心。亦勤矣。其功德詎可量哉。事竣徵予言。冠于經首。尚其親炙。有年。可以固陋辭也。乃謂之曰。嘗聞如來有言。以財刻梓者。名財施。以法寶流通者。名法施。以財法兼施者。名大施。夫能大施者。速證無上正等菩提。德經等他日果報。自然常住大安樂地。必因此勝緣者也。豈事虛語哉。或曰。佛之教固彌滿天下。而不可以

語言文字求之。貴在人人默識。心融而後已。昔鷲嶺拈花。少林面壁之旨。義在斯焉。子既為佛祖之善嗣。何反以文字語言印人。况勾引情識。弄精神。裁巧語。為經之綱領者。似有害如來達磨之心不少乎。予從容謂曰。爾之未解道也。不聞永嘉有默時說。說時默之語乎。又不聞教有總持無文字。文字顯總持之說乎。達磨契之而直指。如來證之而利生。諸師得之而引導。迷徒衆生由之而頓悟真性。如此則塵說刹說。

熾然說何殊不二法門橫說豎說稱性說  
不乖第一義諦何文字之害焉誠莫思之  
過也歟彼聞斯語歡喜合掌稽首作禮唯  
唯而退故書之以為序云

大明正統五年庚申仲冬初吉

勅賜馬鞍山萬壽禪寺開山沙門釋江右衢  
字謹序



# 佛說四十二章經

後漢沙門迦葉摩騰共竺法蘭奉 詔譯



爾時世尊既成道已作是思惟離欲寂靜是  
最為勝住大禪定降諸魔道今轉法輪度眾  
生於鹿野苑中為憍陳如等五人轉四諦法  
輪而證道果時復有比丘所說諸疑陳佛進  
止世尊教詔一一開悟合掌敬諾而順尊勅  
爾時世尊為說真經四十二章  
佛言辭親出家為道識心達本解無為法名  
曰沙門常行二百五十戒為四真道行進志

清淨成阿羅漢。

佛言。阿羅漢者。能飛行變化。住壽命。動天地。次為阿那含。阿那含者。壽終。魂靈上十九天。於彼得阿羅漢。次為斯陀含。斯陀含者。一上一還。即得阿羅漢。次為須陀洹。須陀洹者。七死七生。便得阿羅漢。愛欲斷者。譬如四支斷。不復用之。

佛言。出家沙門者。斷欲去愛。識自心源。達佛深理。悟佛無為。內無所得。外無所求。心不繫道。亦不結業。無念無作。無修無證。不歷諸位。

而自崇最。名之為道。

佛言。除鬚髮為沙門。受佛法者。去世資財。乞求取足。日中一食。樹下一宿。慎不再矣。使人愚弊者。愛與欲也。

佛言。衆生以十事為善。亦以十事為惡。何者。為十。身三口四。意三。身三者。殺盜婬。口四者。兩舌惡罵妄言綺語。意三者。嫉恚癡。不信三尊。以邪為真。優婆塞行五事。不懈退。至十事必得道也。

佛言。人有衆過。而不自悔。頓止其心。罪來歸。

身猶水歸海自成深廣何能免離有惡知非  
改過得善罪日消滅後會得道也

佛言人愚以吾為不善吾以四等慈護濟之  
重以惡來者吾重以善往福德之氣常在此  
也害氣重殃反在于彼有愚人聞佛道守大  
仁慈以惡來以善往故來罵佛佛默然不答  
愍之癡冥狂愚使然罵止問曰子以禮從人  
其人不納實理如之乎曰持歸今子罵我我  
亦不納子自持歸禍子身矣猶響應聲影之  
追形終無免離慎為惡也

佛言惡人害賢者猶仰天而唾唾不污天還  
污已身逆風揚人塵不污彼還揚于身賢者  
不可毀禍必滅已也

佛言夫人為道務博愛博哀施德莫大施守  
志奉道其福甚大觀人施道助之歡喜亦得  
福報質曰彼福不當減乎佛言猶若炬火數  
千百人各以炬來取其火去熟食除冥彼火  
如故福亦如之  
佛言飯凡人百不如飯一善人飯善人千不  
如飯持五戒者一人飯持五戒者萬人不如

飯一須陀洹。飯須陀洹百萬。不如飯一斯陀  
含。飯斯陀含千萬。不如飯一阿羅漢。飯阿羅  
含一億。不如飯一阿羅漢。飯阿羅漢十億。不  
如飯辟支佛一人。飯辟支佛百億。不如以三  
尊之教。度其一世二親。教親千億。不如飯一  
佛。學願求佛。欲濟衆生也。飯善人。福最深重。  
凡人事天地鬼神。不如孝其二親。二親最神也。  
佛言。天下有二十難。貧窮布施難。豪貴學道  
難。判命不死難。得覩佛經難。生值佛世難。忍  
色離欲難。見好不求難。有勢不臨難。被辱不

瞋難。觸事無心難。廣學博究難。不輕未學難。  
除滅我慢難。會善知識難。見性學道難。對境  
不動難。善解方便難。隨化度人難。心行平等  
難。不說是非難。

有沙門問佛。以何緣得道。柰何知宿命。佛言。  
道無形相。知之無益。要當守志行。譬如摩鏡。  
垢去明存。即自見形。斷欲守空。即見道真。知  
宿命矣。

佛言。何者為善。惟行道善。何者最大。志與道  
合。大何者多力。忍辱最健。忍者無惡。必為人



尊何者最明。心垢除。惡行滅。內清淨。無瑕。未  
有天地。逮于今日。十方所有。未嘗不見得。無  
不知。無不見。無不聞。得一切智。可謂明乎。  
佛言。人懷愛欲。不見道者。譬如濁水。以五彩  
投其中。致力攪之。衆人共臨水上。無能覩其  
影。愛欲交錯。心中為濁。故不見道。若人漸解  
懺悔。來近知識。水澄穢除。清淨無垢。即自見  
形。猛火著釜下。中水涌躍。以布覆上。衆生照  
臨。亦無覩其影者。心中本有三毒。涌沸在內。  
五蓋覆外。終不見道。惡心垢盡。乃知魂靈。所

從來生死。所趣向。諸佛國土。道德所在耳。  
佛言。夫為道者。譬如持炬火入冥室中。其冥  
即滅。而明猶存。學道見諦。愚癡都滅。無不明  
矣。  
佛言。吾何念。念道。吾何行。行道。吾何言。言道。  
吾念諦道。不忘。須臾也。  
佛言。覩天地。念非常。覩山川。念非常。覩萬物。  
形體豐熾。念非常。執心如此。得道疾矣。  
佛言。一日行。常念道。行道。遂得信根。其福無  
量。

佛言。熟自念身中四大。各自有名。都為無吾我者。寄生亦不久。其事如幻耳。

佛言。人隨情欲求華名。譬如燒香。眾人聞其香。然香以熏自燒。愚者貪流俗之名譽。不守

道真。華名危已之禍。其悔在後時。

佛言。財色之於人。譬如小兒貪刀刃之蜜。甜不足一食之美。然有截舌之患也。

佛言。人繫於妻子寶宅之患。甚於牢獄桎梏。擲檔牢獄。有原赦妻子情欲。雖有虎口之禍。已猶甘心投焉。其罪無赦。

佛言。愛欲莫甚於色。色之為欲。其大無外。賴有一矣。假其二同。普天之民。無能為道者。

佛言。愛欲之於人。猶執炬火。逆風而行。愚者不釋炬。必有燒手之患。貪姪恚怒。愚癡之毒。處在人身。不早以道除斯禍者。必有危殃。猶愚貪執炬。自燒其手也。

時有天神獻玉女於佛。欲以試佛意。觀佛道。佛言。草囊眾穢。尔來何為。以可誑俗。難動六通去。吾不用尔。天神愈敬佛。因問道意。佛為解釋。即得須陀洹。

佛言。夫為道者。猶木在水。尋流而行。不左觸岸。亦不右觸岸。不為人所取。不為鬼神所遮。不為涸流所住。亦不腐敗。吾保其入海矣。人為道。不為情欲所惑。不為眾邪所誑。精進無疑。吾保其得道矣。

佛告沙門。慎無信汝意。汝意終不可信。慎無與色會。與色會即禍生。得阿羅漢道。乃可信汝意耳。

佛告諸沙門。慎無視女人。若見無見。慎無與言。若與言者。勅心正行。曰。吾為沙門。處于濁

世。當如蓮華。不為泥所污。老者以為母。長者以為姊。少者如妹。幼者如女。敬之以禮。意殊當諦。惟觀自頭。至足。自視內。彼身何有。惟盛惡露。諸不淨種。以釋其意。

佛言。人為道。去情欲。當如草見大火。來已却。道人見愛欲。必當遠之。

佛言。人有患婬情不止。踞斧刃上。以自除其陰。佛謂之曰。若斷陰。不如斷心。心為功曹。若止功曹。從者都息。邪心不止。斷陰何益。斯須即死。佛言。世俗倒見。如斯癡人。有婬童女。與

彼男誓至期不來。而自悔曰。欲吾知尔本意。以思想生。吾不思想尔。即尔而不生。佛行道聞之。謂沙門日記之。此迦葉佛偈。流在俗間。

佛言。人從愛欲生。憂從憂生。畏無愛。即無憂。不憂。即無畏。

佛言。人為道。譬如一人與萬人戰。被甲操兵。出門欲戰。意怯膽弱。乃自退走。或半道還。或格鬪而死。或得大勝。還國高遷。夫人能牢持其心。精銳進行。不惑於流俗狂愚之言者。欲

滅惡盡。必得道矣。

有沙門夜誦經。其聲甚悲緊。欲悔思返。佛呼沙門問之。汝處于家。將何修為。對曰。恒彈琴。佛言。絃緩何如。曰。不鳴矣。絃急何如。曰。聲絕矣。急緩得中何如。諸音普調。佛告沙門。學道猶然。執心調適。道可得矣。

佛言。夫人為道。猶所鍛鐵。漸深。垂

宋真宗注云。當作盡。

字去垢。成器必好。學道以漸深。去心垢。精進就道。暴即身疲。身疲即意惱。意惱即行退。行退即成罪。

佛言。人為道亦苦。不為道亦苦。惟人自生至老。自老至病。自病至死。其苦無量。心惱積罪。生死不息。其苦難說。

佛言。夫人離三惡道。得為人難。既得為人。去女即男難。既得為男。六情完具難。六情已具。生中國難。既處中國。值奉佛道難。既奉佛道。值有道之君難。生菩薩家難。既生菩薩家。以深信三尊。值佛世難。

佛問諸沙門。人命在幾間。對曰。在數日間。佛言。子未能為道。復問一沙門。人命在幾間。對曰。在幾間。對曰。呼吸之間。佛言。善哉。子可謂為道者矣。

曰。在飯食間。去。子未能為道。復問一沙門。人命在幾間。對曰。呼吸之間。佛言。善哉。子可謂為道者矣。

佛言。弟子去離吾數千里。意念吾戒。必得道。若在吾側。意在邪。終不得道。其實在行近而不行。何益萬分耶。

佛言。人為道。猶若食蜜。中邊皆甜。吾經亦爾。其義皆快。行者得道矣。

佛言。人為道。能拔愛欲之根。譬如摘懸珠。一摘之。會有盡時。惡盡得道也。

佛言。諸沙門行道。當如牛負行深泥中。疲極不敢左右顧。趣欲離泥。以自蘇息。沙門視情。欲甚於彼泥。直心念道。可免衆苦。  
佛言。吾視王侯之位。如塵隙。視金玉之寶。如瓦礫。視紈素之服。如弊帛。視大千世界。如一訶子。視四禱水。如塗足油。視方便門。如篋寶。聚視無上乘。如夢金帛。視求佛道。如眼前花。視求禪定。如須弥柱。視求涅槃。如晝夜寤。視倒正者。如六龍舞。視平等者。如一真地。視興化者。如四時木。諸大比丘。聞佛所說。歡喜奉

行。

音釋

紈音垣也。紈也。  
諾音坊音桎音拮音榔音檔音隙音隙孔也。

佛說四十二章經終

佛遺教經

姚秦三藏法師鳩摩羅什奉詔譯

釋迦牟尼佛初轉法輪度阿若憍陳如最後  
說法度須跋陀羅所應度者皆已度訖於娑  
羅雙樹間將入涅槃是時中夜寂然無聲為  
諸弟子畧說法要

汝等比丘於我滅後當尊重珍敬波羅提木  
又如闇遇明貧人得寶當知此則是汝大師  
若我住世無異此也持淨戒者不得販賣買  
易安置田宅畜養人民奴婢畜生一切種植



及諸財寶。皆當遠離。如避火坑。不得斬伐草木。墾土掘地。合和湯藥。占相吉凶。仰觀星宿。推步盈虛。曆數筭計。皆所不應。節身時食。清淨自活。不得參預世事。通致使命。呪術仙藥。結好貴人。親厚媿媿。皆不應作。當自端心正念。求度。不得包藏瑕疵。顯異惑衆。於四供養。知量知足。趣得供事。不應畜積。此則畧說持戒之相。戒是正順解脫之本。故名波羅提木叉。依因此戒。得生諸禪定。及滅苦智慧。是故此比丘當持淨戒。勿令毀缺。若人能持淨戒。是

則能有善法。若無淨戒。諸善功德。皆不得生。是以當知戒為第一。安隱功德之所住處。汝等比丘。已能住戒。當制五根。勿令放逸。入於五欲。譬如牧牛之人。執杖視之。不令縱逸。犯人苗稼。若縱五根。非唯五欲。將無涯畔。不可制也。亦如惡馬。不以轡制。將當牽人。墜於坑陷。如被劫害。苦止一世。五根賊禍。殃及累世。為害甚重。不可不慎。是故智者。制而不隨。持之如賊。不令縱逸。假令縱之。皆亦不久。見其磨滅。此五根者。心為其主。是故汝等當好



制心。心之可畏。甚於毒蛇。惡獸。怨賊。大火。越逸。未足喻也。喻如有人。手執蜜器。動轉輕躁。但觀於蜜。不見深坑。譬如狂象。無鈎。獼猴。得樹。騰躍踔躑。難可禁制。當急挫之。無令放逸。縱此心者。喪人善事。制之一處。無事不辦。是故比丘。當勤精進。折伏汝心。

汝等比丘。受諸飲食。當如服藥。於好於惡。勿生增減。趣得支身。以除飢渴。如蜂採華。但取其味。不損色香。比丘亦爾。受人供養。趣自除惱。無得多求。壞其善心。譬如智者。籌量牛力。

所堪多少。不令過分。以竭其力。

汝等比丘。晝則勤心。修習善法。無令失時。初夜後夜。亦勿有廢。中夜誦經。以自消息。無以睡眠。因緣。令一生空過。無所得也。當念無常之火。燒諸世間。早求自度。勿睡眠也。諸煩惱賊。常伺殺人。甚於怨家。安可睡眠。不自警寤。煩惱毒蛇。睡在汝心。譬如黑蛇。在汝室睡。當以持戒之鈎。早摒除之。睡蛇既出。乃可安眠。不出而眠。是無慚人也。慚耻之服。於諸莊嚴。寔為第一。慚如鐵鈎。能制人非法。是故比丘。

常當慚恥。無得暫替。若離慚恥。則失諸功德。有愧之人。則有善法。若無愧者。與諸禽獸。無相異也。

汝等比丘。若有人來。節節支解。當自攝心。無令瞋恨。亦當護口。勿出惡言。若縱恚心。則自妨道。失功德。利忍之為德。持戒苦行。所不能及。能行忍者。乃可名為有力大人。若其不能歡喜忍受惡罵之毒。如飲甘露者。不名入道。智慧人也。所以者何。瞋恚之害。則破諸善法。壞好名聞。今世後世。人不喜見。當知瞋心甚。

於猛火。常當防護。勿令得入。劫功德賊。無過瞋恚。白衣受欲。非行人。無法自制。瞋猶可恕。出家行道。無欲之人。而懷瞋恚。甚不可也。譬如清冷雲中。霹靂起火。非所應也。

汝等比丘。當自摩頭。以捨飾好。着壞色衣。執持應器。以乞自活。自見如是。若起憍慢。當疾滅之。增長憍慢。尚非世俗。白衣所宜。何況出家入道之人。為解脫故。自降其身。而行乞耶。汝等比丘。諂曲之心。與道相違。是故宜應質直其心。當知諂曲。但為欺誑。入道之人。則無。

是處。是故汝等。宜當端心。以質直為本。

汝等比丘。當知多欲之人。多求利故。苦惱亦多。少欲之人。無求無欲。則無此患。直爾少欲。尚應修習。何況少欲。能生諸功德。少欲之人。則無諂曲。以求人意。亦復不為諸根所牽。行少欲者。心則坦然。無所憂畏。觸事有餘。常無不足。有少欲者。則有涅槃。是名少欲。

汝等比丘。若欲脫諸苦惱。當觀知足。知足之法。即是富樂安隱之處。知足之人。雖卧地上。猶為安樂。不知足者。雖處天堂。亦不稱意。不

知足者。雖富而貧。知足之人。雖貧而富。不知足者。常為五欲所牽。為知足者之所憐愍。是名知足。

汝等比丘。欲求寂靜。無為安樂。當離憤鬧。獨處閑居。靜處之人。帝釋諸天。所共敬重。是故當捨已衆。他衆。空閑獨處。思滅苦本。若樂衆者。則受衆惱。譬如大樹。衆鳥集之。則有枯折之患。世間縛著。沒於衆苦。譬如老象。溺泥。不能自出。是為遠離。

汝等比丘。若勤精進。則事無難者。是故汝等。

當勤精進。譬如小水常流。則能穿石。若行者之心。數數懈廢。譬如鑽火未熟而息。雖欲得火。火難可得。是名精進。

汝等比丘。求善知識。求善護助。無如不忘念。若有一忘念者。諸煩惱賊。則不能入。是故汝等。常當攝念在心。若失念者。則失諸功德。若念力堅強。雖入五欲賊中。不為所害。譬如著鎧入陣。則無所畏。是名不忘念。

汝等比丘。若攝心者。心則在定。心在定。故能知世間生滅法相。是故汝等。常當精勤修習。

諸定。若得定者。心則不散。譬如惜水之家。善治隄塘。行者亦爾。為智慧水。故善修禪定。令不漏失。是名為定。

汝等比丘。若有智慧。則無貪着。常自省察。不令有失。是則於我法中。能得解脫。若不爾者。既非道人。又非白衣。無所名也。實智慧者。則是度老病死海。堅牢船也。亦是無明黑暗大明燈也。一切病者之良藥也。伐煩惱樹之利斧也。是故汝等。當以聞思修慧。而自增益。若人有智慧之照。雖是肉眼。而是明見人也。是

名智慧。

汝等比丘。若種種戲論。其心則亂。雖復出家。猶未得脫。是故比丘。當急捨離亂心。戲論。若汝欲得寂滅樂者。唯當善滅戲論之患。是名不戲論。

汝等比丘。於諸功德。常當一心。捨諸放逸。如離怨賊。大悲世尊。所說利益。皆已究竟。汝等但當勤而行之。若於山間。若空澤中。若在樹下。閑處靜室。念所受法。勿令忘失。常當自勉。精進修之。無為空死。後致有悔。我如良醫。知

病說藥。服與不服。非醫咎也。又如善導。導人善道。聞之不行。非導過也。

汝等若於苦等四諦有所疑者。可疾問之。無得懷疑。不求決也。尔時世尊。如是三唱。人無問者。所以者何。衆無疑故。時阿菟樓駄。觀察衆心。而白佛言。世尊。月可冷。熱日可冷。佛說四諦。不可令異。佛說苦諦。實苦。不可令樂。集真是因。更無異因。苦若滅者。即是因滅。因滅。故果滅。滅苦之道。實是真道。更無餘道。世尊。是諸比丘。於四諦中。決定無疑。於此衆中。

若所作未辦者。見佛滅度。當有悲感。若有初入法者。聞佛所說。即皆得度。譬如夜見電光。即得見道。若所作已辦。已度苦海者。但作是念。世尊滅度。一何疾哉。阿菟樓駄。雖說此語。衆中皆悉了達。四聖諦義。世尊欲令此諸大衆。皆得堅固。以大悲心。復為衆說。  
汝等比丘。勿懷悲惱。若我住世一劫。會亦當滅。會而不離。終不可得。自利利人。法皆具足。若我久住。更無所益。應可度者。若天上人間。皆悉已度。其未度者。皆亦已作得度。因緣自

今已後。我諸弟子。展轉行之。則是如來法身。常住而不滅也。是故當知。世皆無常。會必有離。勿懷憂惱。世相如是。當勤精進。早求解脫。以智慧明滅諸癡暗。世實危脆。無牢強者。我今得滅。如除惡病。此是應捨罪惡之物。假名為身。沒在老病生死大海。何有智者。得除滅之。如殺怨賊。而不歡喜。汝等比丘。常當一心。勤求出道。一切世間。動不動法。皆是敗壞。不安之相。汝等且止。勿得復語。時將欲過。我欲滅度。是我最後之所教誨。

音釋

墾

音懇也 耕也 刀

媒

音眉 骨

嫚

音慢

疵

音慈

缺

音決

躁

音造

踔

音趙

躑

音擲

諂

音啣

隄

音低

脆

音碎

紉

音緣

塹

音城

也

塹

音塹

也

佛遺教經終

永嘉真覺大師證道歌

君不見。絕學無為閑道人。不除妄想不求真。

無明實性即佛性。幻化空身即法身。法身覺

了無一物。本源自性天真佛。五陰浮雲空去

來。三毒水泡虛出沒。證實相無人法。剎那滅

却阿鼻業。若將妄語誑衆生。自招拔舌塵沙

劫。頓覺了。如來禪。六度萬行體中圓。夢裏明

明有六趣。覺後空空無大千。無罪福無損益。

寂滅性中莫問覓。比來塵鏡未曾磨。今日分

明須剖析。誰無念。誰無生。若實無生無不生。

喚取機關木人問。求佛施功早晚成。放四大  
莫把捉。寂滅性中隨飲啄。諸行無常一切空。  
即是如來大圓覺。決定說表真乘。有人不肯  
任情徵。直截根源佛所印。摘葉尋枝我不能。  
摩尼珠人不識。如來藏裏親收得。六般神用  
空不空。一顆圓光色非色。淨五眼得五力。唯  
證乃知難可測。鏡裏看形見不難。水中捉月  
爭拈得。常獨行常獨步。達者同遊涅槃路。調  
古神清風自高。貌頽骨剛人不顧。窮釋子口  
稱貧。實是身貧道不貧。貧則身常披縷褐。道

則心藏無價珍。無價珍。用無盡。利物應機終  
不悛。三身四智體中圓。八解六通心地印。上  
士一決一切了。中下多聞多不信。但自懷中  
解垢衣。誰能向外誇精進。從他謗。任他非。把  
火燒天徒自疲。我聞恰似飲甘露。銷融頓入  
不思議。觀惡言是功德。此則成吾善知識。不  
因訛謗起冤親。何表無生慈忍力。宗亦通說  
亦通定。慧圓明不滯空。非但我今獨達了。恒  
沙諸佛體皆同。獅子吼無畏。說百獸聞之皆  
腦裂。香象奔波失却威。天龍寂聽生欣悅。遊



江海涉山川。尋師訪道為參禪。自從認得曹  
溪路。了知生死不相關。行亦禪。坐亦禪。語默  
動靜體安然。縱遇鋒刀常坦坦。假饒毒藥也  
閑閑。我師得見然燈佛。多劫曾為忍辱仙。幾  
回生。幾回死。生死悠悠無定止。自從頓悟了  
無生。於諸榮辱何憂喜。入深山。住蘭若。岑  
岑幽邃長松下。優游靜坐野僧家。圓寂安  
居實瀟灑。覺即了。不施功。一切有為法。不  
同住。相布施。生天福。猶如仰箭射虛空。勢  
力盡。箭還墜。招得來生不如意。爭似無為  
實相門。一超

直入如來地。但得本。莫愁末。如淨琉璃含寶  
月。既能解此如意珠。自利利他終不竭。江  
月照松風。吹永夜。清宵何所為。佛性戒珠  
心地印。霧露雲霞體。上衣降龍鉢。解虎錫  
兩鈷金環。鳴歷歷。不是標形虛事持。如來  
寶杖親蹤跡。不求真。不斷妄。了知二法空。  
無相。無相。無相。空。無不空。即是如來真實  
相。心鏡明。鑑無礙。廓然瑩徹周沙界。萬  
象森羅影現中。一顆圓光非內外。豁達空  
撥因果。莽莽蕩蕩招殃禍。棄有著。空病亦  
然。還如避溺而投火。捨妄心。

取真理。取捨之心。成巧偽。學人不了。用修行。深誠認賊。將為子。損法財。滅功德。莫不由斯。心意識。是以禪門了却心。頓入無生。知見力。大丈夫。秉慧劍。般若鋒。子金剛。酸。非但空摧。外道心。早曾落。却天魔膽。震法雷。擊法鼓。布慈雲。子洒甘露。龍象蹴踏。潤無邊。三乘五性。皆醒悟。雪山肥膩。更無雜。純出醍醐。我常納。一性圓通。一切性。一法遍含。一切法。一月普現。一切水。一切水。月一月。攝諸佛法身。人我性。我性同。共如來合。一地具足。一切地。非色。

非心非行業。彈指圓成。八萬門。刹那滅却。三祇劫。一切數句。非數句。與吾靈覺。何交涉。不可毀。不可讚。體若虛空。沒涯岸。不離當處。常湛然。覓即知。君不可見。取不得。捨不得。不可得。中祇麼得。默時說。說時默。大施門。開無壅。塞。有人問我。解何宗。報道摩訶般若力。或是或非。人不識。逆行順行。天莫測。吾早曾經多劫修。不是等閑相。誑惑。建法幢。立宗旨。明明佛勅。曹溪是。第一迦葉。首傳燈。二十八代。西天記。法東流。入此土。菩提達摩。為初祖。六代。

傳衣天下聞。後人得道何窮數。真不立。妄本  
空。有無俱遣不空空。二十空門元不着。一性  
如來體自同心。法是根。法是塵。兩種猶如鏡上  
痕。痕垢盡時。光始現。心法雙忘性。即真。嗟末  
法惡時。世衆生薄福。難調制。去聖遠。子邪見  
深。魔強法弱。多冤害。聞說如來頓教門。恨不  
滅除如瓦碎。作在心。殃在身。不須冤訴更尤  
人。欲得不招無間業。莫謗如來正法輪。旃檀  
林。無雜樹。鬱密森沉。獅子住。境靜林間。獨自  
遊。走獸飛禽皆遠去。獅子見衆隨後。三歲便

能大哮吼。若是野狂逐法王。百年妖恠虛開  
口。圓頓教。勿入人情。有疑不決。直須爭。不是山  
僧逞人。我修行恐落斷常坑。非不非。是不是。  
差之毫釐。失千里。是則龍女頓成佛。非則善  
星生陷墜。吾早年來積學問。亦曾討疏尋經  
論。分別名相不知休。入海筭沙徒自困。却被  
如來苦訶責。數他珍寶有何益。從來蹭蹬覺  
虛行。多年枉作風塵客。種性邪。錯知解。不達  
如來圓頓制。二乘精進勿道心。外道聰明無  
智慧。亦愚癡。亦小騃。空拳拍上生實解。執拍

為月枉施功。根境法中虛捏恠。不見一法即  
如來。方得名為觀自在。了即業障本來空。未  
了應須還宿債。飢逢王饌不能飡。病遇醫王  
爭得瘥。在欲行禪知見力。火裏生蓮終不壞。  
勇施犯重悟無生。早時成佛于今在。獅子吼。  
無畏說深嗟。蒙懂頑皮鞞。祇知犯重障菩提。  
不見如來開秘訣。有二比丘犯淫殺。波離螢  
光增罪結。維摩大士頓除疑。猶如赫日消霜  
雪。不思議解脫力。妙用恒沙也無極。四事供  
養敢辭勞。萬兩黃金亦消得。粉骨碎身未足

酬。一句了然超百億。法中王最高勝。恒沙如  
來同共證。我今解此如意珠。信受之者皆相  
應。了了見無一物。亦無人。亦無佛。大千沙界  
海中漚。一切聖賢如電拂。假使鐵輪頂上旋。  
定慧圓明終不失。日可冷。月可熱。衆魔不能  
壞。真說象駕崢嶸。謾進途誰見。螳螂能拒轢。  
大象不游於兔徑。大悟不拘於小節。莫將管  
見謗蒼蒼。未了吾今為君決。

音釋

慥	蹴	訕	訕
<small>也</small>	<small>音</small>	<small>所</small>	<small>所</small>
惛	襍	晏	晏
<small>也</small>	<small>音</small>	<small>切</small>	<small>切</small>
懂	痕	岑	岑
<small>也</small>	<small>音</small>	<small>小</small>	<small>士</small>
啄	駮	高	高
<small>也</small>	<small>音</small>	<small>也</small>	<small>切</small>
卓	恪	山	山
<small>音</small>	<small>也</small>	<small>疾</small>	<small>疾</small>
恪	鞞	峯	峯
<small>音</small>	<small>音</small>	<small>吟</small>	<small>音</small>
恪	柔	邃	邃
<small>音</small>	<small>也</small>	<small>但</small>	<small>但</small>
恪	崢	粹	粹
<small>音</small>	<small>音</small>	<small>音</small>	<small>音</small>
恪	嶸	嶸	嶸
<small>音</small>	<small>音</small>	<small>音</small>	<small>音</small>
恪	嶸	嶸	嶸
<small>音</small>	<small>音</small>	<small>音</small>	<small>音</small>

永嘉真覺大師證道歌終



